



UKA 2017/34

9/11-2017

Justus Hansen

Pisortat allaffeqarfiini siunertaasutut oqaatsit ataasiinnaat atorineqalernissaannut suut aporfiusinnaasut pillugit apeqquteqaat aallaavigalugu oqallinnissamik siunnersuut.

(Inatsisartunut ilaasortaq Vivian Motzfeldt, Siumut)

Demokraatini ajoraluartumik nalunngilarput sooq manna siunnersuut saqqummiunneqarnerisooq. Saqqummiunneqarpoq Siumut isumaqalersitserusummat nunatsinni ajornartorsiutit suulluunniit danskit danskillu oqaasiisa pileriarigaat. Siumut isumaqalersitserusuppoq ullumikkut ajornanngilluinnartooq kalaallisuinnaq oqaluffiusumik allaffissortoqalernissaa, aporfiusarporli kalaallit pikkorissut danskinit tikisitanit naqisimaneqarnerat. Partiip nalilerpaa qinerneqarluassallutik taamatut politikkimut pullaveqarunik. Aamma Siumut ilumoorunarpooq - ajoraluartumik taamatut oqaluttut qinerneqartarput.

Tamatumali allannngortinnaviannngilaa saqqummiunneqartoq kukkummat. Ilumoormammi kalaallisut oqaluttunik naammattunik sulisussaqaanngitsugut taamaattumik eqqarsaat piviusunngorsinnaanngilaq. Aamma ilumoorpoq akornatsinni kalaalerpassuit kalaallisut oqaatsitik ajornartorsiutigimmatigit kalaallisullu tamakkiisumik paasilluarsinnaanatik.

Kalaallit oqaasii tusarnersuupput aamma Demokraatini nuannaarutigaarput amerligaluttuinnartut nunatsinni oqaatsit pingaarnersaannik atuisinnaammata paasisinnaallutillu. Ajuusaarutigilluinnarparpulli oqaatsitta tusarnersut politikкими anguniagapalaanut atornerlunneqartuarmata.

Tamatta kissaatigaarput amerlanerit oqaatsitsinnik atuisinnaanissaat. Tamatta kissaatigaarput kalaaleqatigit ima ilinniarluarsimatigissasut allaat pisortat allaffeqarfiini atorfiit kalaallisut oqaluttunit inuttalernerqarsinnaallutik.

Maannakkorpiarli tamanna piviusorsiornerunngilaq. Aamma Siumup nalunngilluinnarppaa.



Nunatta pisariaqartippaa suleqatigiinnissarput aamma immitsinnut piginnaasagullu pillugit ataqeqatigiinnissarput. Siunnersuutit matumasut ittut killormut sunniutqartarput.

Avissaartuutsitsisarput Demokraatinilu isumaqarpugut uggornarluinnartoq.

Taakkuugallarput Demokraatini oqallinnermi saqqummiukkusutagut.